



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 8. Tertia claßis paupertatem diuitijs anteponentium.

[urn:nbn:de:hbz:466:1-52359](#)

mùm aliquid Deum velle, intelligit, illico
& ipse velit; dicatque: *Fiat voluntas tua;*
sicut in celo, & in terra. Quòd si sensus se
opponit, & inferior homo contrarium sug-
gerit, illico subiungit: *Non sicut ego volo,*
sed sicut tu.

Matth. 6.

10.

Matth.
26. 39.

§. VIII.

Tertia classis paupertatem diuitijs antepo-
nentium.

Tertia denique classis eos habet, qui pau-
pertatem sponte diuitijs prætulerunt, tam-
quam ad benè viuendum longè accommo-
datiorem. Quod quidem etiam Philosophi
Ethnicorum fecisse leguntur. Epictetus pa-
tria Hieropolitanus, quàm pauper fuit,
tam dijs & Philosophiæ se se amicum judi-
cauit. Anaxagoras Clazomenius, sape di-
cebat: *Nemo simul & virtutes, & diuitias*
possidere potest. Quamobrem amplum patri-
monium suis sponte concessit, pauperque
studijs adhæsit, Laërtio teste. Qui etiam te-
statur Socratem pauperem semper fuisse,,
fordidoq; palliolo contentum, nudis pedi-
bus incessisse. Plato certè, vt Suidas refert,
solum in Academia tenuit hortum, qui
pars minima fuit eorum, qui illi succee-
runt. Hortus enim tres aureos nummos pen-

C

debat:

debat: omnis autem prouentus post, mille,

Sabell. aut plurium fuit. Democritus Abderites,
lib. 8. c. 5. nihil prater ingenium possedit: vel quia
Volat. noluit, vel quia non debuit. Demonax Phi-
l. 15. An-
throp. losophus, qui floruit Adriano imperante,
nullum vmquā viaticum sibi præparauit:

sed cūm esuriret, in proximam domum,
quam aptam videbat, ingrediebatur, &
victum ibi quærerat. Centenarius deces-
fit, elatus publico sumtu, vt testatur Vo-

Laërt. laterranus. Diogenes Cynicus solitus est

ioco dicere, sibi tragicas execrationes con-
tigisse, quod esset ἀρέστος, ἀπολιτ, ἀπατει,
ἀνωχθεὶς, ἀλητης, καὶ ἀμερόβιος: id est, domo, ci-
nitate, patriaque carens, pauper, erro, & in diem
vivens. Hac atque hoc genus alia partim cūm au-
diret à Diogene Crates, alia sibimet ipse sugger-
ret, denique in forū exilit, rem familiarem abij-
cit, velut onus steroris, magis labori, quam
vusi. Dein cœtu facto maximo exclamat: Cra-
tes, inquit, Cratetem manu mittit. Exinde non
modo solus, verū nudus & liber omnium,
quoad vixit, beatè vixit. His omnibus usque

Senec. adeò paupertas mala non fuit, vt etiam bo-
80. na videretur. Si vis scire, quam nihil in illa
mali sit, inquit Romanus sapiens, compara
inter se pauperum & dinitum vultus. Sapiens

pauper,

Apul. in
Florid.

pauper, & fidelius ridet: nulla sollicitudo in alto est: etiam si qua incidunt cura, velut nubes leuis transit. Horam, qui felices vocantur, hilaritas fida est, aut grauis, & suppurata tristitia: & quidem grauiore, quia interdum non licet palam esse miseros: sed inter arumnas cor ipsum excedentes, necesse est agere felicem. Sapius hoc exemplo mihi utendum est: nec enim ullo efficacius exprimitur hic humanae vitae nimis, qui nobis partes has, quas male agamus, assignat. Ille qui in scena elatus incedit, & hac resupinus dicit,

*En impero Argis, regna mihi liquit Pe-
lops,*

*Quà Ponto ab Helles atque ab Ionio mari
Vrgetur Isthmos:*

Seruus est, quinque modios accipit, & quinque denarios. Ille qui superbis, atque impotens, & fiducia virium tumidus ait,

*Quòd nisi quieris, Menelae, hac dextra
occides:*

diurnum accipit, in canaculo dormit. Idem de istis licet omnibus dicas, quos supra capita hominum supraquodam turbam delicatos lectica suspen- dit: omnium istorum personata felicitas est. Contemnes illos; si despoliaueris. Equum em- turus solni iubes stratum, detrahis vestimenta

venalibus, ne qua vitia corporis lateant: hominem inuolutum estimas? Mangones, quidquid est, quod displiceat, aliquo lenocinio abscondunt. Itaq; ementibus ornamenta ipsa specta sunt: siue crus alligatum, siue brachium adspiceres, nudari iuberes, & ipsum tibi corpus ostendi. Vides illum Scythia Sarmatiæ regem, insigni capitis decorum? si vis illum estimare, totumq; scire, qualis sit? fasciam solue. Multum mali sub illa latet. Quid de alijs loquor? Si perpendere te voles, sepone pecuniam, domum, dignitatem: intus te ipsum considera. Nunc qualis sis, alijs credis. Hæc ille. cui, sicut & ceteris recensitis, magis utique placet penuria, quam abundantia. Et hoc ob animi pacem, quæ ibi maior est, ubi pecunia est minor.

§. IX.

Qui paupertatem putent etiam esse gloriosam?

Christus Seruator, & Christiani, ob longè altiores caussas, diuitijs paupertatem anteposuerunt, suo loco indicandas. Hic sufficit illud apponere, quod Ethnicis paupertatem, adeoque & vilitatem Christiano gregi obijcientibus, M. Minutius Felix respondit. Ceterum, quod pleriq; pauperes dicimus,

M. Minut. Fel.
in Octa-
wie.